

Kes

Gas amonia bocor, jurutol dan sekuriti sesak nafas

Langgan & nikmati pengalaman tanpa iklan

NASIONAL KES POLITIK PENDIDIKAN WILAYAH

# Gas amonia bocor, jurutol dan sekuriti sesak nafas

Ahmad Hasbi - Januari 15, 2026 @ 5:23pm



Berlaku kebocoran gas amonia daripada tong yang dibawa sebuah lori dekat Plaza Tol Seremban susur keluar arah Kuala Lumpur, di sini, tengah hari tadi.  
- Foto NSTP/Ahmad Hasbi.

**Kes**

Gas amonia bocor, jurutol dan sekuriti sesak nafas

SEREMBAN: Berlaku kebocoran gas amonia daripada tong yang dibawa sebuah lori dekat Plaza Tol Seremban, susur keluar arah Kuala Lumpur, di sini, tengah hari tadi.

Dalam kejadian kira-kira jam 1.50 tengah hari itu, jurutol dan seorang pengawal keselamatan di plaza tol berkenaan dikejarkan ke hospital selepas dikatakan terhidu bau gas.

Pemandu lori yang berusia 30-an berkata, dia dalam perjalanan dari tempat kerjanya di Taman Labu Jaya, di sini, dan ke ibu negara bagi membawa 15 tong gas.

"Sebelum masuk ke plaza tol, saya dengar satu letupan kuat dari belakang. Pada mulanya saya fikir ia mungkin tayar pecah, namun secara tiba-tiba ada bau gas yang kuat keluar.

**RINGKASAN  
BERITA**

ADVERTISEMENT

**DISYORKAN**

- Sokongan peminat beri saya kekuatan untuk bangkit - Zii Jia
- APG 2025: Anak Sarawak bukti usia bukan halangan raih emas
- Kempen PRK Kinabatangan masuk gear 5 - Naim Moktar
- Had penggal PM langkah penting, namun bukan penyelesaian mutlak

"Saya terus melompat keluar dari lori dan menyelamatkan diri. Masa itu mata saya sudah pedih, namun bernasib baik sempat menutup hidung dan ke tempat selamat," katanya ketika ditemui di lokasi kejadian, hari ini.

Komander Operasi, Penolong Kanan Penguasa Bomba Bakarya Mohd Salleh berkata, pihaknya menerima panggilan kecemasan pada jam 1.50 tengah hari.

**Kes**

Gas amonia bocor, jurutol dan sekuriti sesak nafas



"Pasukan dari Balai Bomba dan Penyelamat (BBP) Seremban 2 dengan bantuan BBP Seremban bergegas ke lokasi. Kejadian membabitkan tong gas yang berisi amonia dikatakan meletup.

"Tong gas itu dalam muatan sebuah lori. Akibat kejadian, seorang wanita iaitu jurutol dan seorang pengawal keselamatan lelaki dikatakan mengalami sesak nafas sebelum dibawa ke hospital.

"Jarak lori berhenti dan plaza tol kira-kira 50 meter dan difahamkan gas dibawa angin ke arah plaza tol manakala pemandu lori hanya mengalami pedih mata dan diberikan rawatan awal," katanya.

Jelas beliau, pihaknya mengawal kebocoran gas dengan menggunakan 'absorbent towel' dan menutup lubang yang pecah selain mengambil bacaan gas amonia.

"Pihak bomba juga melakukan 'water curtain' bagi mengelak gas daripada merebak ke kawasan ramai pengguna jalan raya. Ketika operasi, pegawai bertugas memakai PPE bagi tujuan keselamatan," katanya.

Tambahnya, sehingga jam 5 petang, lokasi kejadian dilaporkan selamat selepas pihak syarikat gas melakukan pembaikan tong yang selamat dan mengesahkan tiada lagi kebocoran.



Operasi turut dibantu Polis Peronda Lebuhraya, Polis Bantuan Plus, pihak PLUS, Jabatan Alam Sekitar (JAS) dan Kementerian Kesihatan Malaysia (KKM).

**LAMIN KOPIO****Pengalaman Unik di Lamin Kopio Menanti Anda!**

PELAJARI LEBIH →

**BERITA BERKAITAN****KES** Jan 16, 2026 @ 3:13pm**Gas amonia bocor: 2 mangsa sesak nafas dalam keadaan baik, tidak ditahan di wad****KES** Jan 18, 2026 @ 7:59pm**Majikan, pemilik premis perlu perkukuh keselamatan dan kesihatan pekerja**